

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

248/2020 Foru Agindua, urriaren 16koa, hasierako onespena ematen diona Markizko herrian, lurzoru urbanizaezinean, zurezko bi zutoin berri jartzeko proiektuaren interes publikoa adierazteko espedienteari. Proiektua Telefónica de España SAUk sustatu du, eta Bernedoko Udalak izapidetu

Telefónica de España SAUk baimena eskatu dio Bernedoko Udalari, zurezko bi zutoin berri jartzeko, Markizko Basabidia kaleko 19 zenbakian dagoen etxebizitzari hornidura emateko.

Bernedoko Udalak espedientea bidali eta proiektuaren interes publikoaren adierazpena izapidetzeko eskatzen du, lurzoruaren eta hirigintzaren ekainaren 30eko 2/2006 Legeak 28.5.a) artikuluan xedatutakoa betetzeko.

Espedientean dago Telefónica SAUk igorritako txosten teknikoa (erreferentzia: 8128429), bai eta udal arkitektoak eginiko txostena ere, zeinean adierazten baita proiektua lurzoru urbanizaezinean egin nahi dela, Z.6 Leheneratu beharreko basogintzako babes zonan, eta eremu horretan baimenduta daudela onura publikoko eta interes sozialeko instalazioak eta azpiegiturak, udalerriko indarreko arau subsidiarioetan ezarritakoarekin bat etorritz.

ONINARRI JURIDIKOAK

Ingurumen eta Hirigintza Sailak eskumena du aztertzen ari den espediente eabazteko, Diputatu Nagusiaren uztailaren 5eko 324/2019 Foru Dekretuaren arabera eta sailaren egitura organiko eta funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Lurzoruaren eta Hiri Birgaitzearen Legearen testu bategina onesten duen urriaren 30eko 7/2015 Legeagintzako Errege Dekretuak 13.1. artikuluan xedatutakoaren arabera, lurralde eta hirigintza antolamenduak urbanizazioaren bidez eraldatzea babesten duen landa egoeran dagoen lurzoruan, salbuespen gisa eta lurralde eta hirigintza antolamenduaren legerian aurreikusitako prozedura erabiliz eta baldintzak betez, zilegi izango da berariazko jarduera eta erabilera batzuk legitimatzea, baldin eta interes publikoa edo soziala badute, landa antolamenduari eta garapenari ekarpenak egiten badizkiote edo landa ingurunean kokatu beharrekoak badira.

Bat etorritz lurzoruari eta hirigintzari buruzko 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzekoa den arloko legeriak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak, betiere, dagokion foru diputatuak ebazpen bidez deklaratu behar baititu interes publikoko, hogeit egunez jendaurrean edukitzeko izapidea bete ondoren".

Aztertutako kasuan, hasierako onespena izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik, eta dagozkidan eskumenez baliatuz, hau

XEDATZEN DUT

Lehenengoa. Hasierako onespena ematea Markizko herrian, Basabidia kaleko 19 zenbakian, dagoen etxebizitzari hornidura eramateko, lurzoru urbanizaezinean zurezko bi zutoin berri jartzeko proiektuaren interes publikoa adierazteko espedienteari. Proiektua Telefónica de España SAUk sustatu du, eta Bernedoko Udalak izapidetu.

Bigarrena. Espedientea jendaurrean jartzea, hogeit hamar eguneko, foru agindu hau ALHAOn argitaratzen denetik aurrera. Epe horretan, nahi duen orok egoki irizitako alegazioak aurkeztu ahal izango ditu. Interesa dutenek Lurralde Antolamenduaren eta Hirigintzaren Zerbitzuan azter dezakete espedientea.

Hirugarrena. Foru agindu honek izapide egintza ez kualifikatuaren izaera du, eta beronen aurka ezin da errekurtsorik aurkeztu.

Vitoria-Gasteiz, 2020ko urriaren 16a

Ingurumen eta Hirigintza Saileko foru diputatua

JOSEAN GALERA CARRILLO